

Ministarstvo unutrašnjih poslova Kantona Sarajevo, Uprava policije, ulica La Benevolencija broj 16, koju zastupa policijski komesar Generalni inspektor policije Fatmir Hajdarević (u daljem tekstu: Ugovorni organ)

i
MIBO KOMUNIKACIJE d.o.o Sarajevo, Tvornička 3, ID broj: 4200470540005, koga zastupa direktor Marko Boštjančič (u daljem tekstu: Dobavljač)

Zaključili su:

**UGOVOR O NABAVCI SISTEMA ZA EVIDENTIRANJE PREKRŠAJA
NEPROPISNOG ZAUSTAVLJANJA I PARKIRANJA MOTORNIH VOZILA NA
STAJALIŠTIMA JAVNOG PREVOZA NA PODRUČJU KANTONA SARAJEVO**

Član 1.

Predmet ovog ugovora je nabavka sistema za evidentiranje prekršaja nepropisnog zaustavljanja i parkiranja motornih vozila na stajalištima javnog prevoza na području Kantona Sarajevo za potrebe Uprave policije Ministarstva unutrašnjih poslova Kantona Sarajevo.

Nabavka je izvršena putem otvorenog postupka, na osnovu odluke broj 02-11-4-9721/23 od 21.12.2023. godine.

Ugovor se zaključuje u skladu sa uslovima iz tenderske dokumentacije, ponudom Dobavljača i stvarnim potrebama Ugovornog organa.

Ponuda broj PON-78/24 od 06.02.2024. godine je sastavni dio ovog ugovora.

Član 2.

Ukupna vrijednost ovog ugovora iznosi 731.980,00 (sedamstotinatridesetjednihiljadadevetstotinaosamdeset i 00/100) KM bez PDV-a.

Dobavljač se obavezuje na nepromjenjivost ponuđenih cijena tokom cijelog ugovorenog perioda.

Član 3.

Dobavljač se obavezuje da će u roku od deset (10) dana od dana obostrano potpisanog ugovora dostaviti garanciju za uredno izvršenje ugovora u obliku bezuslovne bankarske garancije u iznosu od 5% od vrijednosti ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

Ukoliko garancija za uredno izvršenje ugovora nije dostavljena na propisan način, shodno uslovima iz tenderske dokumentacije i u roku koji je odredio ugovorni organ, zaključeni ugovor će se smatrati apsolutno ništavim.

Član 4.

Garancija za uredno izvršenje ugovora realizuje se u slijedećim slučajevima:

- u slučaju raskida ugovora krivnjom Dobavljača zbog kršenja odredaba zaključenog ugovora, pod uslovom da je prethodno pismeno obaviješten o svakom propustu da postupi po ugovoru i da u ostavljenom roku nije izvršio ispravku takvih propusta;
- u slučaju otkazivanja ugovora od strane Dobavljača prije isteka roka na koji je isti zaključen, pod uslovom da razlog za otkaz nije nastupio kao posljedica kršenja odredaba ugovora od strane Ugovornog organa.

Garancija za uredno izvršenje ugovora realizuje se protekom roka od pet radnih dana od dana raskida, odnosno otkaza ugovora.

Član 5.

Dobavljač se obavezuje da ugovorenu isporuku i instalaciju opreme izvrši u roku od 120 (stotinudvadeset) dana od dana obostranog potpisivanja ugovora.

Sve troškove isporuke do primopredaje, kao i troškove reklamacije snosi Dobavljač.

Roba će se isporučiti na adrese Ugovornog organa koje su date u Obrascu za cijenu ponude i koje su sastavni dio ovog ugovora.

U slučaju osnovanih primjedbi na ispunjenje ugovorenih obaveza Dobavljača, Dobavljač je dužan da o svom trošku učini sve da te nedostatke otkloni u što kraćem roku.

Član 6.

Prilikom isporuke robe koja je predmet ovog ugovora, na utvđenim lokacijama u skladu sa tehničkom specifikacijom, ovlaštena osoba Dobavljača je obavezna ovlaštenoj osobi ispred Ugovornog organa dostaviti otpremnicu za isporučene robe (po vrsti i količini) u dva primjerka, koja je uredno ovjerena i potpisana od strane ovlaštene osobe Dobavljača. Po prijemu robe otpremnicu potpisuje i ovlaštena osoba Ugovornog organa, zadužena za prijem robe.

Nakon isporuke dobavljač će izvršiti instalaciju robe koja je predmet ovog ugovora. Po završenoj instalaciji izvršit će se tehnički prijem robe i test funkcionalnosti, te obuka personala Ugovornog organa koja će biti koncipirana na način da je organizovan teoretski i praktični dio sa testiranjem opreme u Policijskim stanicama. Termin plan i početak obuke će se dogovarati posebno nakon potpisivanja ugovora, odnosno instalacije sistema.

O isporučenoj robi bit će sačinjen zapisnik o kvantitativnom i kvalitativnom prijemu (čiji će sastavni dio biti otpremnica). Zapisnik se sačinjava u dva istovjetna primjerka, od kojih jedan zadržava Ugovorni organ, a jedan Dobavljač. Zapisnik će biti potpisan od strane ovlaštenog lica Ugovornog organa za prijem robe i od strane ovlaštenog lica Dobavljača. Sve eventualne primjedbe na izvršenu isporuku će biti konstatovane u zapisniku.

U slučaju da se prilikom tehničkog prijema i testa funkcionalnosti utvrdi da roba ne ispunjava postavljene zahtjeve ili da nije u funkciji, Ugovorni organ će da odbije zapisnički prijem takve opreme, uz mogućnost da Dobavljač, u roku koji mu odredi Ugovorni organ, zamjeni odbijenu robu.

Ukoliko lica zadužena za prijem robe konstatuju određene nedostatke u kvalitetu ili kvantitetu isporučene robe, neće se sačinjavati zapisnik o prijemu, već će se sačiniti zapisnik o reklamaciji, koji Ugovorni organ dostavlja Dobavljaču.

Svi troškovi u vezi sa zamjenom opreme koja nije u skladu sa zahtjevanom tehničkom specifikacijom, u smislu prethodno navedenog, kao i druge troškove i štete koje bi mogli proisteci s tim u vezi, padaju na teret Dobavljača.

Ovlaštene osobe ispred sporazumnih strana će biti određene i strane međusobno obavještene o tome, u roku od 10 (deset) dana od dana potpisivanja ugovora.

Član 7.

Dobavljač se obavezuje priznati reklamaciju na kvantitet i kvalitet isporučene robe, koja će biti proračunata zapisnikom o reklamaciji, uz obavezno navođenje nedostataka isporučene robe i datuma i broja računa (otpremnice) Dobavljača kako bi se zadovoljili uslovi reklamacijskog roka.

Roba će se smatrati uredno isporučenom tek kada u zapisniku o prijemu bude konstatovano da su primopredaja, tehnički prijem i test funkcionalnosti izvršeni bez primjedbi.

U slučaju osnovanih primjedbi na ispunjenje sporazumnih obaveza Dobavljača, konstatovanih u zapisniku o reklamaciji, Dobavljač je dužan da o svom trošku učini sve da te nedostatke otkloni u što kraćem roku, koji će mu u zapisniku odrediti Ugovorni organ.

Član 8.

Garantni rok za isporučenu opremu iznosi: 2 (dvije) godine.

Garantni period počinje teći od dana obostranog potpisivanja zapisnika o tehničkom prijemu i testu funkcionalnosti.

Dobavljač se obavezuje da će dostaviti garantni list za isporučenu opremu.

U toku garantnog perioda Dobavljač je dužan da na poziv Ugovornog organa o svom trošku otkloni sve kvarove i eventualne nedostatke opreme, odnosno izvrši popravku ili zamjenu neispravnog dijela opreme.

U slučaju kvara na opremi u toku garantnog perioda, dobavljač je dužan osigurati zamjensku opremu, do vraćanja opreme sa servisa.

Dobavljač se obavezuje da će poštovati sve garantne uslove, a u toku trajanja garantnog perioda.

Ova obaveza Dobavljača se ne odnosi na štetu koja nastupi kao posljedica nestručnog rukovanja i više sile.

Dobavljač snosi rizik oštećenja ili neispravnosti predmeta ovog ugovora iz bilo kojeg razloga, do njegove isporuke.

Član 9.

U slučaju zakašnjenja u isporuci/implementaciji roba u odnosu na ugovoren rok iz člana 4. ovog Ugovora, do koje je došlo krivicom Dobavljača, Ugovorni organ će Dobavljaču obračunati ugovornu kaznu u visini od 0,02 % (posto) od ugovorene cijene za svaki dan zakašnjenja a najviše do 10 % od ugovorene cijene.

Ugovornu kaznu iz predhodnog stava Dobavljač je dužan platiti u roku od 7 (sedam) dana od dana prijema zahtjeva za plaćanje od Ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje Dobavljač nije mogao uticati niti ih predvidjeti, događaj mora biti nepredvidiv, iznenadan za obje ugovorne strane.

Član 10.

Ugovorni organ će ugovorenu cijenu plaćati Dobavljaču u roku od 30 (trideset) dana od dana uredno izvršene isporuke robe i dostavljanja uredne fakture, na tekući račun Dobavljača.

Član 11.

Dobavljač se obavezuje dostaviti Nacrt IP povezivanja ANPR kamera prema centralnoj lokaciji, a prema šemi povezivanja koja će biti dostavljena Dobavljaču od strane Ugovornog organa po zaključenju Ugovora.

Član 12.

Dobavljač je dužan naknaditi štetu koja nastpi iz djelovanja ili propuštanja Dobavljača u izvršavanju ovog ugovora.

Član 13.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i utjecaja strana u ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i sl.

Strana u ugovoru pogođena višom silom odmah će u pisanoj formi obaavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 14.

Dobavljač nema pravo zapošljavati, u svrhu izvršenja ovog ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke Ugovornog organa, najmanje 6 (šest) mjeseci po zaključenju ovog Ugovora, odnosno od početka realizacije ovog ugovora.

Član 15.

Ugovorni organ zadržava pravo raskida ugovora ukoliko isporučena roba u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Dobavljača.

Ugovorne strane su saglasne da svaka strana može jednostrano raskinuti ovaj ugovor i zadržati pravo na naknadu štete zbog raskidanja ugovora u slijedećim slučajevima:

- ako Dobavljač kasni sa isporukom, a zakašnjenje nije posljedica vanrednih okolnosti (više sile);
- ako Dobavljač dođe u situaciju da ne može ispoštovati ugovor (stečaj, likvidacija i sl.);
- ako neka od ugovornih strana svoje dospjele obaveze ne ispuni ni u naknadno prihvatljivom roku za sve ugovorne strane;
- ako je iz okolnosti posla jasno da jedna od ugovornih strana neće moći ispuniti svoju obavezu i onda kada bilo koja ugovorna strana izjavi da svoju obavezu neće ispuniti.

Obavještenje o jednostranom raskidu ugovora mora se dostaviti drugoj ugovornoj strani isključivo u pismenom obliku.

Član 16.

Na ostala prava i obaveze ugovornih strana, koja nisu regulisana ovim Ugovorom primjenjivat će se odredbe Zakona o obligacionim odnosima.

Član 17.

Eventualno nastale sporove pri realizaciji ovog ugovora, Ugovorne strane će rješavati sporazumno, u duhu dobrih poslovnih odnosa i međusobnog povjerenja.

U slučaju nemogućnosti sporazumnog rješavanja, Ugovorne strane utvrđuju nadležnost Suda u Sarajevu.

Član 18.

Ovaj ugovor je zaključen, kada isti potpišu obje ugovorne strane i traje do realizacije ugovorenih obaveza, odnosno do izmirenja dužničko-povjerilačkih odnosa.

Član 19.

Ovaj ugovor izrađen je u 4 (četiri) istovjetna primjeraka, od kojih Ugovorni organ zadržava 2 (dva), te Dobavljač 2 (dva) primjerka.

DOBAVLJAČ
MIBO Komunikacije d.o.o. Sarajevo


direktor
Marko Boštjančić

Broj: 01-018/24
Datum: 15.03.2024.


UGOVORNI ORGAN
MUP KANTONA SARAJEVO
UPRAVA ZA POLICIJSKE SLUŽBE
POLICIJSKI KOMESAR
inspektor policije
Fatmir Hajdarević

Broj: 02-11-4-9721-9/23
Datum: 05.03.2024. godine